

Il Mobile Banking da la BCG – reglar ils affars bancars dapertut ed a moda segira e cumadaivla

Cuira, ils 9 da favrer 2015 – L'internet mobil è ina part centrala da noss mintgadi. Adina dapli umans nizzegian lur telefonin per acceder ad infurmaziuns dal web u per reglar ils affars bancars a moda simpla e cumadaivla. In team da la Banca Chantunala Grischuna (BCG) respunda il favrer ed il mars en indesch agenturas dal Chantun a dumondas en connex cun il diever e la segirezza dal Mobile Banking.

La quota da participaziun al martgà dals smartphones è puspè s'augmentada ferm il 2014, ina fin n'è betg previsibla. Il telefonin sco accumpagnader stabel mida era l'affar bancar. Gia ussa derivan passa diesch pertschient da tut las annunzias a l'e-banking via apparats finals mobils. La BCG prenda part da quest svilup e porscha a las clientas ed als clients soluziuns segiras e confortablas.

L'app Mobile Banking da la BCG – avair sut controlla las finanzas dapertut ed adina

Il basegn da pudair reglar ses affars bancars dapertut ed independentamain dals temps d'avertura resguarda la BCG cun l'app gratuita Mobile Banking per iOS ed Android. Las utilisadras ed ils utilisaders pon per exempel verifitgar lur saldo dal conto u ils curs da stgomi, assegnar daners sin contos u surdar incumbensas da bursa. Fitg pratica è la funcziun da scannar integrada. Cun quella pon ins registrar cedels da pajament a moda simpla e sperta e senza stuair scriver giu fadiusamain las indicaziuns. Las apps gratuitas per iOS ed Android ed ulteriuras infurmaziuns èn disponibilas sin www.gkb.ch/mobile.

La BCG dat gronda paisa a la segirezza

La BCG protegia las datas da sias clientas e da ses clients cun systems moderns. L'app Mobile Banking è vegnida sviluppada tenor ils pli novs standards da segirezza. Ultra da l'activaziun singulara da l'e-banking na vegnan retschaviders da pajaments nunenconuschents u persunas che retschaivan per l'emprima giada in pajament betg rendids disponibils directamain. Els ston vegnir verifitgads l'emprima giada cun in code da SMS. Infurmaziuns e tips da segirezza per reglar ils affars bancars a moda mobila chatt'ins sin www.gkb.ch/web/sicherheit_e-banking.

Demonstraziun en indesch agenturas da la BCG en il Grischun

Co ch'ins po sa proteger sco era tips per il diever segir dad e-banking e Mobile Banking intermediesch spezialistas e spezialists da la BCG il favrer ed il mars en indesch agenturas dal Chantun. En pli vegn era demonstrà co ch'ins fa pajaments, co ch'ins surdat incumbensas da bursa e da tge ulteriuras funcziuns utilas ch'ins po profitar. Il team è mintgamai preschent da las 9.00 fin las 12.00 e da las 14.00 fin las 17.00 en las suandantas agenturas:

- ils 11 da favrer sin la Piazza da la Posta a Cuir
- ils 19 da favrer a Domat
- ils 20 da favrer ad Arosa
- ils 2 da mars a Flem Laax
- ils 3 da mars a Tavau
- ils 4 da mars a Glion
- ils 5 da mars a Scuol
- ils 6 da mars a San Murezzan
- ils 9 da mars a Landquart
- ils 10 da mars a Lai
- ils 11 da mars a Tusaun.

A Vossas dumondas respunda gugent:

flavian.gieriet@gkb.ch

Manader Contact Center e-banking | +41 81 256 85 63

Il sector Marketing & comunicaziun As gida gugent a cuntanscher il pli svelto pussaivel Vossa persona da contact:

As drizzai a thom.mueller@gkb.ch | +41 81 256 83 11.

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i dovra per ina banca universal moderna – per personas privatas, l'economia ed il maun public. La banca occupa 1'070 collavuraturas e collavuratur (stadi dals 31-12-2014). En il chantun Grischun cun sias numerusas vals e pliras linguas, è l'interpresa represchentada cun 65 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il quint annual preschenta ella cun ina summa da bilantscha da CHF 20,591 milliardas in gudogn brut consolidà da CHF 207,3 milliuns. Il scrit da participaziun BCG è quotà a la bursa dapi ils 10 da settember 1985.

Termins

Radunanza dals participants:	28 da mars 2015
Rendaquint semestral 2015:	31 da fanadur 2015